

TEZAUUR LITURGIC
30 IUNIE

ACATISTUL
SOBORULUI
SF. 12 APOSTOLI



MOSCOVA, 2000



Акафист

СВЯТЫМ ДВУНАДЕСЯТИ АПОСТОЛАМ

Кондак 1

Избранныи самовидцы и свидетелие Слова воплощения, мира ловцы и сосуди Христовы благодати, Церкви пресветлыя звезды, вселенныя светильницы и проповедницы веры, яко лучами блистающии зарями духовными, всечестная двоенадесятице ученик Спаса Христа Бога, светоносную и преблаженную память вашу благочестно творим ныне. Вы же, яко Божественнаго света причастницы и дерзновение ко Христу имущии, молитесь Ему прилежно, да к свету богоразумия нас всех истинно наставит, в вере твердей укрепит и в мире глубоце соблюдет зовущих вам: Радуйтесь, апостолов двоенадесятице, мира концы учением Христовым просветившии.

Икос 1

Ангельскую службу воплощенному нас ради Божественному Слову приносяще, вселенную всю обтекосте, святии апостоли, яко

богопосланнии вестницы грядущаго миру спасения. Темже словом истины Христовы от словес ваших озареннии и благодатию Святаго Духа спасеннии чрез веру, вси концы мира от дний древних и до днесь немолчно восхваляют вас сице:
Радуйтесь, вселенныя светильники; радуйтесь, благославнии трубы. Радуйтесь, твердыя веры проповедники; радуйтесь, учений небесных благовещаннии сказатели. Радуйтесь, церковнии столпи; радуйтесь, разорители идольския лести. Радуйтесь, избраннии понести пред языки Божественное имя. Радуйтесь, апостолов двенадесятице, мира концы учением Христовым просветившии.

Кондак 2

Видяще Господа Славы, в зраке раба во плоти пришедшаго, и слышавше Того Предтечею свидетельствуема Агнца Божия быти, грех мира вземлющаго, вся в мире оставльше, вслед Того устремистесь, согласно вси поюще тако изволившему о вас Богу: Аллилуиа.

Икос 2

Разумнаго восхождения от дольних на горняя явили есте образ, богомудрии апостоли, егда домы, братию и имения своя во уметы вменили есте и востекли, себе отвергшесе, стезею правою к тесным вратом Царствия Христова. Того ради достойно слышите от всех сицевая: Радуйтесе, вина раствореннаго премудростию Божией на трапезе духовней полезно вкусившии; радуйтесе, губительное безумие жизни привременныя по гласу, вы звавшему, без сумнения всякаго оставльшии. Радуйтесе, сокровище духовное на селе при пути вашем обретшии; радуйтесе, бисера добраго мыслию сердца вашего искавшии. Радуйтесе, на рало Христово руце ваша несумнительно и твердо волею своею возложшии. Радуйтесе, апостолов двенадесятице, мира концы учением Христовым просветившии.

Кондак 3

Силою свыше укрепленнии, всемудрии апостоли, благоразумием вашим и огнем духовным всякую вражю прелесть попаливше, человеческий род верою просветили есте. Темже молим вы: омраченна грехми души наша

просветите, да воспрянем еже пети Богу:
Аллилуиа.

Икос 3

Имуще премудрость вселенную всю словом
спасительным просветити, озарили есте во тьме
и сени смертной сидящая люди; просветите убо
и наша души, омраченныя мраком страстей, да
восхвалим вас тако:
Радуйтесь, светильницы востока мысленного,
тьму неразумия прогнавшии верою; радуйтесь,
напоившии землю струями Божественных
вещаний. Радуйтесь, живоносным током словес
Христовых орошающии нас бедствующим зноем
скорбей; радуйтесь, возбраняющии лукавым
помыслом омраченного сердца нашего.
Радуйтесь, mreжею благодати из глубины
потопляющих нас сует мира сего любовью всех,
с верою взирающих к вам, возводящии.
Радуйтесь, апостолов двенадцатице, мира
концы учением Христовым просветившии.

Кондак 4

Бурею внутреннею и волнами морскими
иногда в корабли обуреваемы, святии апостоли,
ко Христу вопиясте: «Учителю, спаси ны,

погибаем!». Приявше же того всемогущую помощь, явистесь по благодати, вам данной, сами всех кормчии, к благодатишному пристанищу надежно приводящи. И нас, в пучине зол бедне мятущихся и напастьми житейскими присно колеблемых, управите ко берегу безстрастия, идеже всеми спасаемыми поется Богу: Аллилуиа.

Икос 4

Слышавше от Пастыреначальника и Господа вашего призывающее слово: «Жатва убо многа, делателей же мало; молитесь убо Господину жатвы, яко да изведет делатели на жатву Свою», исполнишася, блаженнии апостоли, огнепальною ревностию сему делу Христову послужити, благословеннии на подвиг сей, обтекосте грады и веси многия, благовествующе Евангелие Царствия, исцеляя всяк недуг и всяку язю в людех. Умолите убо, яко вратарие Божественнаго Царствия, и нам спасение обрести, со умилением зовущим вам тако: Радуйтесь, добрии вестницы Христовы, сослужебницы мысленным чином; радуйтесь, иже от рыбаей умудреннии паче риторов. Радуйтесь, трубы Христовы благогласнии, ко

пристанищу спасения вся привлекая; радуйтесь, Пастыря доброго богоизбранная овцы, волков мысленных во овчую кротость верою предложивши. Радуйтесь, уста огнедуховенная Христовы, от уст имущаго поглотити нас врага избавляющии. Радуйтесь, апостолов двенадцатице, мира концы учением Христовым просветивши.

Кондак 5

Боготечная звезды, светлостью Божественных добродетелей сияющии, явистесь, всехвальнии апостоли, яко солнце имуще, земная концы обновисте. Светлым блистанием вашим убо и нас озарите и страстей избавите всех вопиющих Богу: Аллилуиа.

Икос 5

Видевше, апостоли святии, во образе человечестем Владыку мира и Сына Божия, усты первоверховнаго апостола Петра Христа проповедаете, и Той яко откровение Отчее исповедание ваше приемый. Сего ради и мы, во исповедании вашем утвердившеся, ублажаем вас тако: Радуйтесь, богоозареннии исповедницы

неизреченныя Божественныя славы
воплотившагося Слова; радуйтесь, с небес
приемшии благодать богословия Христова.
Радуйтесь, мир вещании вашими соблюдшии;
радуйтесь, яко от Самаго Господа ублажени
бысте во исповедании вашем. Радуйтесь, яко от
Него приясте Божественную власть вязати и
решити грехи человеков. Радуйтесь, апостолов
двоенадесятице, мира концы учением
Христовым просветившии.

Кондак 6

Проповедание Владыки и Господа своего, яко
подобает Ему много во Иерусалиме пострадати
от старец, и архиерей, и книжник, и убиену
быти, слышавше, дивистесь зело, недоумеюще,
како сбудутся писания о славе и чести Сына
Человеческаго. Вразумленнии же, яко не
человеческою мыслию, но неисповедимою волею
Отца Небеснаго путие вси в мире исправляются,
научистесь смиренно пети Богу,
благоволившему тако о Сыне своем: Аллилуиа.

Икос 6

Возсия солнца светлее на Фаворстей горе
слава Божественнаго зрака Христова пред вами,

святїи апостоли, онем убо избраннѣм, на гору совозшедшїм. Темже Моисея и Илию видевше, во облак светел вшедшия, и глас Отчаго свидѣтельства о Единороднѣм Сыне с небес слышавше, толикия благодати небеснаго озаренїя сподобльшимся, усердно возглашаем сице:

Радуйтєся, в неприступнѣм светѣ Христа на Фаворѣ облиставшася зревшии; радуйтєся, от Отца свидѣтельствуема Сына Божїя слышавшии. Радуйтєся, Моисея и Илию, явльших Христово Божество, на горе славы сретившии; радуйтєся, бесѣдою тех о исходе Христа, во Иерусалимѣ быти хотящем, просвещеннии. Радуйтєся, премирныя славы Христовой сообщницїи. Радуйтєся, апостолов двенадѣсїатице, мира концы учением Христовым просветившии.

Кондак 7

Хотя душепитательную уготовати миру трапезу Животворящаго Тѣла и Крове Своея Господь всех и Зиждитель, предъизобрази всесвятое свое зачатїе и безсмертїя чашу в проповѣданїи о хлѣбѣ жизни вечныя, и егда мнози слышавшии слово сїе роптаху и

блзняхуся и вспячь идяху от Христа, вы, апостоли блаженнии, усты Симона Петра единомысленно рекосте: «Господи, к кому идем? Глаголы живота вечнаго имаши, и мы веровахом и познахом, яко Ты еси Христос, Сын Бога Живаго». Сие исповедание ваше ублажающе, тепле припадем ныне к Богу, поя Ему: Аллилуиа.

Икос 7

Новыя Божественныя Пасхи, не от Египта, но от Сиона грядущия, причаститися сподобистесе, богоблаженнии апостоли, и омысте нозе ваша от препоясаннаго лентием Владыки, смирения образ тем явившаго, собеседницы на Вечери Тайней Христа Господа бысте. Темже величаем вас сице:
Радуйтеся, в горницу Сионскую яко под сень небесную вшедшии; радуйтеся, честнаго омовения от Владыки Христа сподобленнии. Радуйтеся, заповедь Господню: да будет последним хотяй первым быти — из уст Учителя вашего приемшии; радуйтеся, Безкровныя Жертвы и словесныя службы великим Архиереем Завета Новаго, за весь мир приносимыя, участницы. Радуйтеся, руками чистыми и усты нескверными хлеб жизни и веселия

Божественнаго чашу от рук Тайновершителя Господа вземшии. Радуйтесь, апостолов двенадесятице, мира концы учением Христовым просветившии.

Кондак 8

Странное вещание своего Учителя и Господа, яко един от вас предатель имать быти, слышавша, смутистесь, святии апостоли, и скорбию и страхом одержими, «Кто есть сей?» Учителя вопрошасте. Егда же по малем часе сбытие слова сего страшнаго в сыне погибельнем яве открыся, духом сокрушенным принесосте Богу псалом: Аллилуиа.

Икос 8

Весь закон и пророцы, яже о Христе преднаписаша, того исполнение в честных страданиях, погребении, предивном восстании Спаса тридневнем и славнем видевшем, глубину сия вся строившей премудрости Божественныя и разума не всю испытали есте тогда, бездну же судеб Господних не у постигли есте, зане просвещени Духом не бысте. Но в волю Христа Господа себе предавше, видением Того распята не соблазнитесь, воскресению достигосте,

верно поклонитесь и научению Христову себе смиренно подклоните, к послушанию веры и к разумению тайны любви Божественныя и нас, апостоли Христовы приведите, да поем вам тако:

Радуйтесь, яко не смутися сердце ваше, еже веровати в Бога распинаема; радуйтесь, яко не в соблазн и не в безумие, но во спасение силою Божиею видение Креста Господня прияли есте. Радуйтесь, не оставленнии сирыми по отшествии Владычнем; радуйтесь, рождие живоноснии лозы Христовой. Радуйтесь, яко о вас молитва Христова пролияся, да соблюдени будете от неприязни и священни во истину евангельскаго слова. Радуйтесь, апостолов двенадесятице, мира концы учением Христовым просветившии.

Кондак 9

Всю скорбь и печаль отъя Христос от сердец вас, друзей своих, многочастне и многообразне денми четыредесятми являясь вам по воскресении Своем, с вами же ядый и пияй, и всяко уверяя о Своем славнем возстании, да будете свидетелие Ему даже до последних земли. Темже радостию несказанною исполнени бывше

и тайнам Царствия Божия наученнии, союзом любви связуеми, единомудно бысте вкупе, глаголюще: Аллилуиа.

Икос 9

Витийства земнаго превышшее таинство восхода Господа на облацех на небо от горы Масличныя, апостоли Христовы, зрети приведеннии, тамо многолюбезны дары научения последняго, яко от Владыки мира, от Христа получите, премирное благословение от Него приясте, во Иерусалим возвратитесь с радостию велиею, выну благословяще Бога. Тако о вас благоволившему Промыслителю мира величия дающе хвалы, согласно приносим вам, воспевая сице:
Радуйтесь, мир от Господа, вседшаго на облаки небесныя, приявшии; радуйтесь, соединение горних с дольными в восходе Христове яве узревшии. Радуйтесь, с собором безплотных возносящаяся от земли на небо восхвалившии; радуйтесь, на горе восхождения Христова светообразному лица Его зраку последняя от земнородных боголепно поклонившиися. Радуйтесь, имже заповедь научити языки слову Христову дадеся. Радуйтесь, апостолов

двоенадесятице, мира концы учением
Христовым просветившии.

Кондак 10

Спасения путь ища обрести ученический лик,
Тебе видя от земли взимаема, глаголаше:
«Владыко, како ныне оставляеши рабы Твоя и
камо идеши, рукама содержи концы?»; егда же
услышаште Спаса, глаголюща: «Не оставляю вас,
яже собрах, но пошлю вам Духа Пресвятаго; вы
же, с высоты оболкшися силою, идите во вся
языки, глаголя вещания спасения». Темже убо в
радости снидосте с горы Елеонския, славя
Божественное вознесение Христово, творя:
Аллилуиа.

Икос 10

Стены дома, идеже с Богоматерию апостоли
святии беша, моляшеся о имени Христове,
потрясая свыше носиму дыханию бурну, егда в
день пятидесятный, исполняя преждереченная,
послал Христос Духа Святаго, иже и сошед на
вы видом огненным, ужасом исполнь языков
собрание; языки бо глаголющих кийждо свою
беседу слышаше. Темже мы, наследницы тоя
благодати, вас зарею богоначальною

облистанных, апостоли богоноснии, славим: Радуйтесь, яко по обетованию Христову яве креститесь Духом Святым и огнем; радуйтесь, яко бысте жилище пречистей благодати. Радуйтесь, яко в вас естеством святыни своея вселися с небесе сила Духа, от Отца исходяща и в Сыне почивающа; радуйтесь, во гласе дыхания Духом восхищеннии провещати величия Божия. Радуйтесь, яко чрез ваша священныя главы огонь Утешителя Духа на землю сниде. Радуйтесь, апостолов двенадесятице, мира концы учением Христовым просветившии.

Кондак 11

Пение благодарственное Святей и Живоначальной Троице в явлении Духа Святаго принесше, святии апостоли, радости и всякаго ведения исполнитесь и дерзновение приясте, многими знаменьми и чудесы Церкви доброе начало положисте и велиею силою воздасте свидетельство воскресению Господа Иисуса, поя Богу: Аллилуиа.

Икос 11

Светоподательное проповедание ваше со смиренномудрием и многими слезами и

напастьми исполняшесе; внимаху же народи глаголемым от вас единомушно, слышаще и видяще знамения от рук ваших бывающа, и крещахуся мнози. Вы же Церкви утверждате, от места к месту преходяще, да и иным градовом благовестится слово Божие. Сего труда вашего ради взываем вам сице: Радуйтесе, союзом любви Христовой связаннии, любовь и мир Церквем заветом вечным положившии; радуйтесе, ига, егоже немощно бе понести, на выи ученик никакоже возложити восхотевшии. Радуйтесе, всем вся бывшии, да всяко спасутся нецыи; радуйтесе, посещати братию во всех градах, в нихже проповедате Евангелие Христово, выну тщавшиися. Радуйтесе, ноцми и денми люди паствы своея непрестанно учившии. Радуйтесе, апостолов двенадесятице, мира концы учением Христовым просветившии.

Кондак 12

Благодати небесныя причастником и самовидцем Слова, еже по плоти Матере Его успение видети подобаше, еже на Ней таинство, яко не токмо Спасово от земли восхождение узрят, но и рождшия Его преставление

свидетельствуют. Темже приспевшу дневи Богоматере отшествия отвсюду Богоначальным мановением апостоли собравшеса, Сиона достигше, и на небо предпослаша Вышшую Херувим, пение надгробное Пречистей твоя Богокрасною песнию: Аллилуиа.

Икос 12

Поюще дивная дела ваша, болезнем и трудом евангельскаго благовестия дивящеса, честная ваша страдания почитаем, богоизбраннии апостоли: весь бо всюду мир проидосте, Евангелие Христово коленом всем, языком и странам проповедавше. Темже и мы славим вас вси:

Радуйтеса, mreжею словесною уловившии всякаго рода избранных; радуйтеса, ихже словом врата смерти отверзахуса и отдаяху затворенная мертвецы. Радуйтеса, Кровию Агнца от людей первенцы Богу купленнии; радуйтеса, имже храм скинии свидения на небесех предуготовася. Радуйтеса, Церкви Христовы великая славо. Радуйтеса, апостолов двенадесятице, мира концы учением Христовым просветившии.

Кондак 13

О, всехвальнии и богоблагословеннии апостоли, Христом нареченнии Его друзи и служения Церкви наследницы, вышняго престола окрест обстоящи в неувядаемых венцах! Моление наше, любовь к вам ныне пролиянное, приемше, сотворите всех Богу молитву, да соблюдет Церковь Свою святую во единомыслии и мире, пастырем ея дарует святыню имени Его ревностно исповедати и веры нелицемерней дерзновение показати. Разсеянные же ветром суемудрия чада да соберет во единое Царство и да сподобит тамо во свете неприступнем с собором вашим Ему немолчно воспевати: Аллилуиа.

Сей кондак глаголи трижды. Также икос 1-й и кондак 1-й.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
НЕБО